

# Universitätsbibliothek Paderborn

## **Instructio practica ...**

Institutiones Qvintuplicis Theologiæ - Positivæ videlicet, Asceticæ,  
Polemicæ, Speculativæ, & Moralis complectens, Unà cum Appendice  
Methodum compendiariam reformationis Ecclesiasticæ à Concilio  
Tridentino factæ continente

**Lohner, Tobias**

**Dilingæ, 1679**

§. 9. De obscuritate S. Scripturæ.

[urn:nbn:de:hbz:466:1-48233](#)

### De Profunditate S. Scripturæ.

25

rius ho. 9. super Ezech. indicat, tot tamenque abdita in Sacris Literis latere mysteria, ut in iis non pauca existant: quæ solis evoluta Cœlitibus, mortalibus adhuc universis sint involuta, hinc similem aliqui S. Scripturam dicunt esse torrenti ab Ezechiele c. 47. conspecto, quem pertransire ipse non poterat, quoniam intumuerant aquæ ejus, nec poterant trans vadari.

Porro hujus profunditatis tres potissimum radices à Commentatoribus rectè assignantur. Prima est *ipsius materia sublimitas*, id est, mysteriorum & doctrinarum supernaturalium multitudo & magnitudo; si enim etiam in naturalibus, teste Salomone Eccl. 1. cunctæ res sunt difficiles, & non potest eas homo explicare sermone; quanto minus supernaturalia objecta intellectu comprehendere poterit. Hinc meritò idem Sapiens Sap. 9. dixit: *Difficile estimamus, que in terra sunt, & quæ in conspectu sunt, invenimus cum labore, quæ autem in cœlis sunt, quis investigabit?*

Altera radix est *sensuum*, quos litera accipere potest, *multiplicitas*: nam, ut S. Hieronymus in c. 3. Ephes. dixit, *Singulari sermones, syllaba, apices & puncta in divinis Scripturis plena sunt sensibus.* Sed & Origenes hom. 1. in Exod. testatur, quemlibet Sacrae Scriptura locum, si diligenter excutiat, ingentem doctrinæ materiam posse suppeditare. *Vnde divina eloquia* (ait S. Gregorius ho. 7. super Ezech.) *tantè quisque altius intelligit, quanto altius in eis intendit.*

Tertia tandem radix est *Prophetiarum in S. Literis contentarum multitudo, & profunditas*: haec enim cum vel maximè fint extra Sphærā humani intellectū, meritò etiam tanto plura semper latere suspicatur, quanto plura per aliorum explicationem vel interpretationem cognoverit. Ob quæ causas meritò Alphonsus Salmeron pronunciavit proleg. 2. in Script., nullum extare librum humanā industriā aut ingenio elaboratum, qui cum Sacris Literis in profunditate conserfi possit.

### §. IX.

### De Obscuritate S. Scripturæ.

De hac proprietate S. Scripturæ multa & gravis est inter Catholicos & hæreticos Doctores concertatio; his omnes

B 5

omni-

omnino obscuritatem S. Scripturæ negantibus, illis vero eadem non modo concedentibus, sed graves etiam, multaque causas afferentibus, ob quas Sapientissimus DEVS ipsam obscurum stilo, non quidem totam, sed magna ex parte conscripsit; unde Cassianus coll. 8. c. 3. hæc de materia discutens, satis propriè, ait, *Scriptura divina agro optimo ac ferre comparatur, qui, cum multa gignat, ac proferat, qua ad hominem victimum sine aliqua ignis coctione proficiant, quedam, ut prius flamma calore mitigata atque mollita, omnem aperitam sua disposuerunt cruditatis, vel incongrua erunt usibus humis, vel noxia.* Nonnulla vero ita in utrumque apia nascuntur nec incocti sua eruditate displiceant, vel offendant, & tam ignis calore lenita, salubria reddantur. Quam rationem sanaverident afficimus in hoc uberrimo Scripturarum Spiritualium Paradiso contineri, in quo ita quedam signatioe litora planac luculentia resplendent; ut, cum sublimiore interpretatione ageant, simplici tamen litera sono aliunde pascant, ac nutrimentum audientem. Quedam autem, se allegoria explanatione extensa non fuerint, & spiritualis ignis examinatione mollita, nam modo ad salutarem interioris hominis cibum sine corrupcio labore pervenient, magisque ex eorum perceptione laeso, quamvis sitas aliquam subsequatur. Nonnulla vero ad utramque proportionem, id est, historicam & allegoricam ita commoda sunt, necessaria, ut utraqque explanatio vitales anima seccos impinguatur.

Porro obscuritatis hujus radices & argumenta certissima plurima afferunt S. Scripturæ Interpretes, quæ tamen omnia ad tria potissimum revocari possunt. Primum deducitur ipsa materia S. Scripturæ, seu rebus per eam significatis, quæ sunt mysteria altissima Fidei, futuron prædictiones mysticorumque ac literalium sensuum varietas ac multiplicitas; quæ omnia objecta non modicam obscuritatem invenerunt, vel ipsa tot SS. Patrum, aliorumque Doctorum inveniendis & explicandis sollicitudo ac industria satis probat.

Alterum argumentum deducitur ex eorum, quibus S. Scriptura communicata est, diversitate; cum enim eorum pars rudit sit, atque adeò incipax altiorum mysteriorum interlocutorum, recte iterum concluditur, respectu horum omnium 3. Scripturam utpote ejusmodi mysteriis ac propheticis.

abundantem, obscuram esse, atque ad eò doctiorum Hominum labore ac industria excutiendam atque explicandam.

Tertium verò, nec levissimum argumentum desumitur ex ipso modo proponendi & loquendi S. Scripturæ; cum enim hæc passim allegoriis, figuratis locutionibus, amphiboliis, & non raro etiam verbis apparentem contradictionem involventibus, uti & idiotismis linguarum utatur, necessariò iterum sequitur, ut magnam tales modi loquendi obscuritatem, à quo cunque intellectu humano, non nisi magno labore & difficultate superabilem contineant; unde passim SS. Patres S. Scripturam, nunc abyssum insuperabilem; nunc agrum, in quo Sapientia thesaurus profundâ fossione eruendus latet; nunc mare ob sensum profunditatem inexhaustibile; nunc conchylium, in quo Margaritæ pulcherrimarum doctrinarum reclusæ manent, nunc nubem obscuram, & variorum misteriorum occultatione præguitam appellant, ut pluribus probat Serarius c. 22. proleg. q. 2.

Cur autem DEVS obscuram esse voluerit Scripturam Sacram, variæ à variis rationes afferuntur. 1. Ut agnoscamus, & confitemur, Sapientiam DEI infinitis modis superare imbecillitatem nostri intellectus, sicut ad eum ferventius pro illustratione intellectus, & apertione occulorum sensuum recurramus, dicentes cum Davide Psal. 118. *Da mihi intellectum, & scrutabor legem tuam.* 2. Ut ex tali obscuritate multiplex oriatur scientia, dum varii sensus ex obscuris S. Scripturæ textibus eruantur; sic enim S. Gregorius in cap. 3. Ezech. indicavit, dum dixit: *Plerumque in sacro eloquio aliquid ideo obscurè dicitur, ut dispensante mirabiliter DEO multipliciter exponatur.* 3. Ut obscura scribendi ratione mysteria divina indignis celarentur. 4. Ut doctrinæ cum labore quaestæ majori cum voluptate percipiантur; nam, ut S. Augustinus de vera relig. discurrevit: *Si in Scriptura Sacra tantum essent, qua facilime intelligerentur, nec studiosè quereretur, nec suaviter inventiretur veritas.* 5. Ut, quemadmodum S. Chrysostomus hom. 23. in Matt. insinuat, sicut inter Angelos sunt aliqui, qui illuminant; & alii, qui illuminantur; ita inter Homines quoque alii Doctores, alii Discipuli existimarent, sicut pulcherrimus Ordo in Ecclesia inconsitus & proprio imperiuratus permaneret. 6. Ut, sicut S. Augustinus l. 2. de doctr.

de doct. Christian. c. 6. insinuavit, ut labore quidem supbia edomaretur. otioque proscribendo, honestæ occupatis occasio subministraretur, intellectus verò à fastidio vocaretur, cui faciliè i vestigata plerumque vilescent. Magnificè igitur & laubriter, inquit S. Doctor, ira Sacras Scripturas modificavit DEVS, ut locis avertioribus fami occurret, obsemioribus autem fastigia desergeret; nihil enim de illis obscuritatibus eructur, quod non planissimè dictum reperiatur.

**L I B E R II.****DE OBJECTO FORMAL  
THEOLOGIAE POSITIVÆ.**

**O**bjectum formale Theologiae positivæ est ipsa Interpretatio seu Expositio S. Scripturæ, haec enim Interpretatio est primarius finis, quem intendit Theologia positiva, & ad hunc finem ordinat omnia, quæ ab tractari, & prescribi solent. Ut autem facilius intelligatur hoc objectum, sciendum est duplē esse Interpretationem, quæ à Doctoribus Theologiae positivæ adhiberis fuerit, Metabolicam scilicet, & Exegeticam. Metabolicus est, per quam S. Scriptura ex primigenia lingua in ali transfertur, quæque adeo latine Translatio seu commun Versio appellatur. Exegetica est, per quam sensus in S. Scriptura absconditi eruuntur, ideoque Explanatio vel expovocatur, & propriè à Commentatoribus S. Scripturæ pari solet. De utraque hoc libro per duo capita agetur quid de quavis Discipulo Theologiae positivæ sciendum breviter juxta propositum scopum exponetur.

**C A P U T I.****DE METABOLICA INTERPRETATIONE SEU VERSIONE.**

**E**tiam hæc Interpretatio dupliciter fieri potest, ne vel ut verbum verbo reddatur; vel ut sensus solummodo idem, non autem eadem verba, aut verborum